

Kırımlı meşâ'yi, ulemâ, şuarâ, müverrihîn, etibba ve riyaziyyunun teracim-i ahval ve asarından bahistir.

# KIRIM MESÂHIRİ

Bursali Mehmed Tahir  
Nşr. Hzr.: Hasan AKSOY

## Ifade :

Osmanlı müellifleri muharrir ve müellif-i şehiri Bursali Tahir Bey Efendi, birçok tetkikat-i tarihiyyeden sonra viicuda getirmeğe muvafak oldukları (Kırım Müellifleri) unvanlı eserini rica ve ısrarımız üzerine naciz mecmuamıza (\*) ihdâ buyurmuşlardır. Bu nüshamızdan itibaren bu emsaline nadir tesadüf olunur târihi şâh eseri mecmuamızda neşr etmeye başlıyoruz. Eseri müitalaa buyuracak zevat-i kiramın bilhassa tarihe merak ve incizabı bulunan tarihçilerin eser-i mezkûrdan hadden efvân müstefid ve memnun olacaklarını beyan etmekle kesbi-fahr eder ve bu münasebetle de muharrir ve müellif-i şehirini tebrik eylemeyi kendimize bir vazife biliriz.

Sudi

Kırım müellifleri (\*)

## MEŞAYİH IBRAHİM EFENDİ

Sârih-i fusûs (Sofya) li (Bâli) Efendi hulefasından (Filibel) li (Nureddin-zâde) müstahleflerinden ârif ve fazıl bir zât olup (İstanbul) da (Tatar seyh) namıyla marûf idi. (Kırım) dan avdetinden sonra (Küçük Ayasofya) zâviyesinde ihtiyac-ı ikâmetle (Fatih) cami-i serifinde hifzından Kur'an-ı Kerim'i tefsire başladı. (1001/1593) tarihinde irtihal

(\*) (Kırım müellifleri) evvelce (Kırım mecması) na derg edilmiştir. Kütüphane-i sudi. İstanbul Bâb-ı Âli Caddesi. Matbaa-i Orhanîye 1335.

(\*) Kırım şîb-ı ceziresindeki (Kefe) den yetişen erbâb-ı telîf (Kefevî) şâhretiyle ve bu şîb-ı cezirenin diğer kasabatından yetişen zevat (Kırımı) şâhretiyle benâmdirler.

ederek (Edirne) kapısı haricinde mürsidinin medfun bulunduğu (Siret tekkesi) (1) denilen mahalle defn edildi. Asâri gayr-i matbu olup ber-vech-i âtidir:

1 — Tefsiri- sure-i Nur

2 — Şerhu hadis-i İnnallâhe Teâla e'tâni seba'l-mesânî...

3 — Medarici'l-meliki'l-mennân fi beyânî meârici'l-insan (Suer-tü'l-hasrin ahrîndaki âyât-ı kerîmenin tefsirini ve bu bâbdakî mearif-i sofiyye ve mülkâsefât-ı gaybiyyesini mübeyyendir).

4 — Mevâhibi'r Rahman fi beyânî meratibi'l-ekvân (İsminin de-lâleti gibi tasavvufdan bir eser olup bilmünasebe Sultan Murâd-ı Sâlisin şark seferinden de bahistir).

5 — Hâsiyetü ala'l-câmi

Mahdûm-ı âlileri (Şeyh Afîfüddîn Abdullâh) Efendi ve tabiat-ı şîriyyeye mâlik fazıl bir zat olup (Afîfi) mahlâslı mutasavvifâne eşarı ve Türkçe (Manzum aruz) risalesi, (Kefe) de müftüllüğü vardır. Tarîkat-ı halvetîye şuabatından (Gülşenî) subesi ekâbirinden (Edirne) de medfun hâzret-i Sezâyî hulefasından (Mehmed Fâkrî) Efendi de (Kîrim) dan yetişen urefâ'yı meşayihden olup ümmehât-ı kütüb-i sofiyyeden (Hâce Abdullâh Ensâri-i Herevî) nin eser-i muhâkkikâneleri olan (Menâzilî's sâirin) i vâkifâne bir surette tercüme etmiştir.

## **SELİM BABA**

Tarîkat-ı Kâdirîye kibârîndan ve aşıkînden bir zat olup (İstanbul) da îkmâl-i tahsilden sonra meslek-i kudaya (kudatâ) sâlik oldu. (Bosna) kadısı iken terk-i meslek eyleyüp evvelâ Şeyh Mehmed Efendi isminde bir zâta intisab eyledi ve mürsidinin vefatı cihetîyle gördüğü mânâ üzerrine (Kesriye) de meşâiyih-i Kâdirîye urefâsında (Hüseyin Efendi'den tekmil-i tarîkat ederek (Köprili) de irşâd-ı talibîne başladı ve (1170/1757) tarihlerinde irtîhal eyleyüp binasına muvaffak olduğu dergâha defn edildi. Asâri gayr-i matbu olup bervech-i zîrdir.

1 — Bürhânî'l-arîfin: Etvar-ı sülük ve ahval-i aşkdan bâhis (12) fasl üzre mürettep Türkçe bir eser olup arasına âşıkâne ilâhiyâtını da câmidir.

2 — Miftâhul'-müskilâti's-sâdîkîn ve adâbu tarîki'l-vâsilîn: Bu da Türkçe tasavvufî bir eser-i ârifânedir. Ebyât-ı âşıkânelerinden :

(1) Edirne kapıda halk arasında Sîr Tekke ismiyle maruf olan tekke. Tekke, bugün de halen mevcuttur ve tarîkat-ı halvetîye-i Ramazanîye-i cerrahiyedendir. Tekkenin ilk şeyhi Sertârik-zâdedir.

Aldı aklın cümle varın bu Selim-i divânenin  
Varlığın cümle anundır ben anın bürhamiyim

Gitti kesret oldu vahdet cümle âlem serbeser  
Mahv olup suretle esmâ cana yirdüm ben bugün

### HAYDAR-ZÂDE MEHMED FEYZÎ EFENDÎ

Tarîk-i halvetiyye meşâyihinden ve fuzalâdan bir zât olup (Kefe)-lidir. İkmâl-i tahsil ve tefeyyîzî (İstanbul)dadır. (1055/1645) tarihinde irtihal eyledi. Asârı gayr-i matbu ve isimleri âtide münderiectir.

1 — Ravzatu'l-ibâd: Hadis-i erbaân şerhidir.

2 — Risale fi hâkki'l-hamr: Hamrin esbâb-i humetinden bahistir.

3 — Risâle fi cevâz-ı deverân-i sofiyye.

4 — Hadâiku'l-ahyar fi hâkayûkı'l-ahbâr: (20) hadika üzere mürettep ahlâk ve mev'izadan bâhis olup tarih-i te'lifi (1053/1643) dür. Bir nüshası (Kılıç Ali Paşa) İktiâphânâsında vardır. (Kırım) hâkîmda bir tarihçesi de olduğu (Gülbin-i hânâ) mukaddimesinde mezkürdür.

### HÂMÎD - BÎNEVA

Tarîk-i halveti meşâyihinden ârif bir zat olup (İstanbul) da tek mil-i sülükden sonra memuren li'l-îrsâd bulunduğu (Tekfur dağı)nda (1185/1771) tarihinde rihlet ederek tecâdiden binasına muvaffak olduğu dergâh hazinesine defn edildi. Vahdet-i viicûddan bâhis (Risale-i tevhid) ismindeki Türkçe eser-i ârifânesi matbûdudur.

### AHMED EFENDÎ

Tarîk-i Naâşîbendi fuzâlâsından muhakkik bir zattır. İkmâl-i tahsil ve tarîkat eylediği (İstanbul) da (1156/1743) tarihinde irtihal eyledi (Ayyvansaray) kurbundâki Emir Muhâri Mescid-i hâziresine defn edildi.

Seyh-i kebîr (Sadreddin Konevi) hazretlerinin ecell-i âşârîmdan beynel mutasavvîfe meşhur olan (Miftahu'l-gayb) ismindeki eser-i gâmuza-rını muhakkikâne bir surette şerh eylemiştir. Asârı sâireleri olduğu anlaşılyorsa da mütâleasına destres olunamamıştır.

### HİCÂBÎ ABDÜLBÂKİ EFENDÎ

Meşâyîh-i naâşîyye fuzâlâsından bir zât olup (Bahçesaray) lîdir. Ulûm-i resmiyyeyi istilâ tarihi olan (1188/1774) de (Amasya) ya hicre-tinde (Ürgübî Hacı Ahmed) Efendiden istimâl eyledi. (1238/1823) tari-

hinde irtihal eyleyüp (Amasya) ya bir saat mesafede (Zire) nam mahallede kılışâdına muvaffak olduğu dergâh hazînesine defn olundu. Asâr-ı gayr-i matbu ve bervech-i âtidir.

1 — El-Ebkiretü'l-mü'telifeti fi şerhi emsileti'l-muhtelife: Meşhur emsile-i arabiyyenin mufassal surette lisân-ı tasavvufla şerhidir ki bir nûsha-i nâdiyesi kütüphane-i âcizîde mevcuddur.

- 2 — Bâde-i kevser
- 3 — Hediyye-i hilâl
- 4 — Înâs ve'l-istinâs
- 5 — Nîkât-ı tevhîdiyye
- 6 — Bâde-i fâkr u fenâ
- 7 — Îkâzu'n-nâim
- 8 — Tarîfu'l-insan

## ÜLEMA

### MEVLÂNÂ ŞEREFÜDDİN B. KEMAL

Eâzam-ı ulemâdan bir zaît olup beynel fukahâ (Şarihu'l-menar) söhretiyle benâmdir. İkmal-i tahsili fâkih-i meşhur (Hafizzuddîn Mehmed Bezzâzî) dendir. (Kirim) dan (Bursa) ya hicretinde (Sultan Murad-ı sânnî) tarafından mazhar-ı i'zâr ve tevkîr olarak tedrisata başladı ve (847/1443) târihinde irtihal ederek (Emir Sultan) hazretleri civârına defn edildi. Zamanımız teracim-i ahvâl-nüvislerinden (Edirne) li (Bâdi) Efendi merhumun (Riyâz-ı belde-i Edirne) ismindeki eserinde (Edirne) de vefat ederek (Zindan altında) (Tatar han) kabristanında (Elmakâm)namıyla maruf mahalle defn edildiği muharrerdir.

Usûli fikihden meşhur (Menar) i gâyet müdekkükâne bir surette şerh etmiş ve kütüb-i fıkhiyyeden bazlarına vâkıfâne talîkât yazmıştır. Bu şerhin müellif yazısıyla olduğu bazı kiraatla anlaşılan bir nushası (Küçük Efendi) kütüphanesinde vardır.

### MEVLÂNÂ SEYYİD AHMED B. ABDULLAH

Pâdisâh-ı kadr-dân Fatih Sultan Mehmed Han'ın mazhar-ı hürmet ve iltifati olan efaham-ı ulemâ ve erbâb-ı tahkikten bir zât-ı âlidir. Asâr-ı fâzilânelerinin tabına himmet olunmadığından siyt-i fazileti intîşar edememiştir. (879/1474) da (İstanbul) da irtihal eyleyüp oğlu (Muhyiddin) Efendi'nin (Ağa yokusu) nda bina ettiği cami-i şerif sâhasına defn edildi. Ahiren vefat eden oğlu da yanında medfundur.

## Asâr-ı muhakkikâneleri :

1 — Hâsiye-i tefsir-i Beyzâvî : İsmi (Misbahu'l-tâ'dil fi kesfi envari't-tenzil) olup bir nüshası (Üsküdar) da (Atlama taşı) nda (Selim Ağa) kütüphânesinde (Atik Vâlide Sultan) dan menkul kitaplar meyânda mevcuttur.

2 — Serhu miftâhi'l-gayb: Bazı karaine göre hatt-i dest-i âlileri olan bir nüshai-kıymetdâri mezkur kütüphaneyi tezyîn eden kitaplar meyanındadır. (874/1470) tarihinde telif olduğu hâtimesinden anlaşılan bu eser-i dakîk bilviçûh şayan-ı tedkîk ve istifâdedir.

3 — Şerh-i Gülsen-i râz: Ekâbir-i mutasavvifeden (Şeyh Mahmud Şebisterî) nin meşhur-ı âfâk olan eserinin Farisil ibare şerhidir ki (879/1474) de (İstanbul) da îkmâl edilmiş olup bir nüshası (Ayasofya) kütüphânesinde mevcuttur.

4 — Hâsiye-i serh-i akâid

5 — Hâsiye-i telvih

6 — Serhu lübbü'l-lübâb: metn-i eser mesahir-i nühât dan (Seyyid Abdullâh naşre-kâr (2) )indir.

7 — Hâsiye-i mutavvel: İsmi (Muavvel) dir.

(Künhü'l-ahbar) da (Bursa) da medfun olduğu mukarrerse de mevsuk değildir.

Sâhib-i terceme (Mevlânâ-yı Kirîmî) nin edebiyata olan vukuf ve intisâbları ve Fatih hazretleri ile mukarrafâbını bulunan zevatî fâzila ile müssâareleri ve memalik-i Osmaniyyeye keyfiyyet-i nakli zamanımızın güzide ve mutetebbi' erbab-ı ilm ve kaleminden Diyarbakırlı (Ali Emîrî) Efendi hazretlerinin nesr buyurmakta oldukları (Osmanlı tarih ve edebiyat mecmuası) nin üçüncü adedinde müdekkîkâne bir surette bast-ı makâl edildiği cihetle bu bâbda tafsîlât arzu edenlerin nusha-i mezkûreye müraca'at buyurmalari lâzım gelir.

## HÜSEYİN KEFEVÎ

Fuzalâ-yı üdebâdan bir zât olup istikmâl-i taallümü (İstanbul) da- dir. Devr-i medarisle (Mekke-i mükerreme) mollalığına nail olarak (1010/1602) tarihinde mâzulen (Mekke-i mükerreme) de irtihal eylediğ (Saâkâylîk) zeyli (Atâî) de münderîq ise de (Riyaz-ı belde-i Edirne) de hitam-i memuriyetini müteakip müderrislikle (Edirne) ye geldiğ ve biraz sonra vefat ederek zehr-i mâr câmi-i serif hâziresine defn edildiğ muharrerdir. Ahîren ziyaret ettiğim seng-i mezarında (Sultaniü'l-müellifin Kefevî Hüseyin Efendi 1010) ibâresi menkûsdur. Tab'ı mizah-i edibâneye mâl idi.

(2) Oymacı.

Bir nüshası (Hamidiye) kütüphanesinde mevcut olan (Bostân-ı efruz-ı cinâن) ismindeki (Gülistan) şerhinin mukaddimesinde terceme-i halinden ve bazı âsârından bahs ediyor. Asârı gayr-i matbu olup ber vech-i âtidir.

- 1 — Şerh-i Buhâri-i şerif ilâ hadisi gasil
- 2 — Şerh-i Müslim-i şerif ilâ nîsf
- 3 — Şerh-i divan-ı Hafiz
- 4 — Şerhu lâmiyeti'l-acem

5 — Râz-nâme fi menâkübi'l-ulemâ ve 'l-meşayih (Bir nushası Hemîmoğlu kütüphanesinde mevcuttur). Bir de (Sevanîhu't-tefe'il ve levâ-yihu't-teveffüll) isminde (Fâlnâme) si vardır ki kîsm-i azamı (Hafiz Şîrazî) divanından edilen tefe'ülâtta ve bunlara dair zârifâne hîkâvattan bâhistir. Bir fişhası Aşır Efendi kütüphanesindedir.

Ebyâtundan : Mezâk ehli lebin yad etse tûti kandi vasfeyler  
Acebdir hal-i alem bilmeyen söyler bilen söyler  
Masariinden : Elinle ettiğin hayatı dilinle eylemeye zayıf

### EBU'L-BEKÂ MUHİBBÜDDİN EYYÜB KEFEVİ

(Kefe) müftüsü (Şerif Musa) Efendinin mahdum-ı faziletmendi olup niyabetle (Kudus-ı şerif) vesair yerlerde bulunduktan sonra (İstanbul) avdetle (1094/1683) tarihinde irtihal eyledi. (Eyyub Sultan) türbe-i şerifesi ittisalinde medfundur. Miellîfât-ı fâzlânelerinin en meşhuru sadece (Külliyat-ı Ebu'l-Bekâ) ismiyle mütearif (Külliyat-ı ulûm-ı Ebî'l-Bekâ 'âla vefki'l-lüga) namındaki eseridir ki nev-ammâ felsefe-i luğaviyyeden bahis ve ümmehat-ı kütübb-i liğattan ma'dud ve matbodus. (Muhtasar Külliyat-ı ebi'l-Bekâ) ismiyle telhis edilen yazma bir nüshası vakıtle fihristi'l-kütübü taraf-ı âcizîden tertib ve tasnif olunan (Manastır) kütüphanesinde vardır. Asâr-ı sairesi âtide münderichtetir.

- 1 — Tuhfetü's-şâhân: İlm-i fıkıhdan Türkçe kıymettâr bir eser-i matbodus.
- 2 — El-Ikdu'l-ferid: Ülemâ-ı Arabdan (İbni Abdîrabbîhi) ile (Me'lîkî's-sâid) in de ilm-i muhazarâttan bu isimdeki eserleri matbodus.
- 3 — Hâşıye-i vazîye: İlm-i vazîye (2) den bir hâşıye-i makbûle olup gayr-i matbodus.
- 4 — Kitabu'l-bityân (1) fi irâbi'l-Kur'an

(1) Bu kelime beyan veya tibyan olması...

(2) Etimoloji.

(1) Medrese tahsilini medrese sırasına göre tamamlamış (en aşağı seviyeden başlayıp en yüksek seviyede bulunan medneseyi sırayla okumak.)

## BABA KÜŞİ ABDURRAHMAN EFENDİ

Müfessir ve fakih-i meşhur (Ebu's-suud) Efendi tilmizlerinden fâzîl bir zât olup tekmil-i nûsahtan (1) sonra vatani olan (Kefe) müftülüğüne tâyin olundu. (983/1575) tarihinde irtihal eyledi. İlm-i fîkihtan gayr-i matbu (Bostanî- Şâkâyîk-i numan) isminde bir eseri vardır. Mahdumu (Mustafa) Efendi de maarifmend bir zât olup (Nizamu't-tevarîh) i (Enisül-mülük) ismiyle terceme etmiştir ki bir nûshası (Hamidiyye) kütüphanesinde mevcuttur.

Tefsir-i Kâdi muhâssîlerinden Muhammed b. \_\_\_\_\_ ile (Akvamul'-vesâil fi terücemi's-semail) muharriri (Lutfullah) Efendiler de (Kirim) dan yetişen fuzalâdandırlar.

## MEVLÂNÂ RÜKNEDDÎN AHMED B. MUHAMMED

Sabiku't-terceme Mevlâna (Şerefüddin) in ahass-ı telâmizinden ve efâhim-i ulemâdan bir zât olup âstadının eserine tebâiyetle neşr-i ilm ve te'lif-i âsâr ile imrâr-ı hayat eyledi. Meydane getirdikleri (Buhari-i şerif) şerhi fazl u kemâlinin bürhan-ı celâsidir. Başında ra'se olmakla mürteas laâkâbiyla maruf olan bu zât (Kirim) da otuz sene kadılıkta bulunduktan sonra (Kahire) ye gelmiş ve burada (Darul-adl) a müfti olmuş ve (Camii'l-ezher) ve diğer mahallerde tedris-i ulum eylemiştir. (883/1478) de burada irtihal etti. (Buhârî) sârihlerinden (Aynî) nin sîmalî beldelerde kendilerinden istifade ve istifazâ ettiğini söylemiş olduğu meşâyhîn biri ve belki birincisi bu zâtır.

## ABDULLAH EFENDİ

Ülemâdan ve meşâhir-i hattâtından bir zâtır. İlîm ile sanatı hatti (İstanbul) da tahsil etti. İki mukâle bir sâniha üzere müretteb sanat ve kavaid-i hatta dair Türkçe gayr-i matbu bir eseri vardır. (1067/1657) tarihinde irtihal eyledi. (Edirne kapısı) haricinde (Eyüb) e giden cad-denin (Mustafa Paşa) dergâhına dönen yolun sol tarafında medifundur. Esâtize-i ilm-i hattan madûddur.

## REŞİM AHMED EFENDİ (KIRIMÎ - ZÂDE)

Fuzaladan ve ilm-i fîkih mütehassislerinden olup (Kirimî-zâde Mehmed) Efendi'nin mahdumudur. İkmâl-i tahsilden sonra meslek-i mevaliye sülük ederek (Diyarbakır) mollası ve bittarâkki evkaf müf-

tüsü oldu. (1279/1862) tarihinde vefat ederek (Fatih) cami-i şerifi hâziresine defa edildi. İlmi fikihdan (Kirumî-zâde mecması) ismindeki eseri matbu ve meşhurdur.

### **ABDÜSSETTÂR EFENDÎ**

İlm-i fikihdan ihtisası müsellem bir zattır. Müddet-i medide (İstanbul) mekâtib-i âliyesinde (Fikih) tâdrîs eyledi ve (1304/1887) tarihinde ifa-yi hacc-i şerifi müteakip (Taif) de irtihal etti.

Asârlı matbuası :

- 1 — *Tesrihu'l-kavâidi'l-külliye fi ahkamî'l-feriyyeti'l-ameliye.*
- 2 — *Medhal-i fikih*
- 3 — *Serhu kavâidi'l-mecelle*

### **HABÎBÜDDÎN ALÎ EFENDÎ**

Fuzalâ-yı ümmetden bir zât-i maarif-simât olup tâlîfe muvaffak oldukları (Levayihu fâlikâ ve alâiku râïka ale'ttefsir ve'l-hadis ve 'l-fikh ve'l-feraiz) ile (Tasrîh) ismindeki (Telvih) hasiyesi derece-i fazl-u-ke-mâllerinin şâhid-i âdilidir. Bir de (Tuhfetu's-Sultân) isminde bir eseri vardır.

### **FERRUH İSMÂİL EFENDÎ**

Teceddiid-perver, mütefakkir, fazıl bir zâttır. Kethüdâ-zâde Şâniżâde vesaireden mürekkeb (Besiktaş) semtinde tesekkül eden gayr-i resmi ve hususî encümen-i danişin azâ-yı fâzilesinden idi.

Bu encümen ile azâ-yı kiramî hakkında (Cevded) tarihi ile Kethüda-zâde tilmizlerinden müsâika-i hümâyûn Farisi muallimi Emin Efendi'nin (Menâkib-i Kethüdâ-zâde) ismindeki eseri matbûunda tafsîlât-ı lâzîme münderiçtir.

(Mübârek âdem idi göçdü Ferruh) misrâminin delâleti olan (1256/1840) tarihinde irtihal eyledi. Yıldız sarayının Ortaköye mülâsık cihetinde âsâr-ı cüziyyesi müşahede olunmakta bulunan kabristana defn edildiği ve seng-i mezârında: (Âlim-i âmil, fâzil-i kâmil, Ferruh Ismail Efendi'nin kabridir) ibaresinin menkûş olduğu (Menâkib-i Kethüdâ-zâde) de muharrerdir. âsâr-ı fâzîlânesi :

- 1 — *Tefsir-i mevâkîb: Münakkah ve matbû Türkçe bir tefsir-i serifdir. Hatt-ı destiyle muharrer nüsha-i vafisesi kütüphane-i umumîde- dir.*

2 — Manzum mesnevi-i şerif tercemesi: Mesnevi-i şerifin cild-i sahibî zanniyla ve şair-i meşhûr (Kahifi) ye zeylen manzum yedinci cildi tercemesidir. Tabiat-i şâirâneye de mâlik idi.

Masâriinde :

Bugün şâdim ki yâr ağlar benümçün

### KEFEVİ MEHMED EFENDİ

Ülüm-i Arabiyye'ye vulkufu müsellem fuzalâdandır. (İstanbul) da istikmal-i feyz-i ulumdan sonra meslek-i kuzayâ sülük ederek (Medine-i münevvere) badehû (Kudiüs-i şerif) kadısı tayin edildi. Ve (1168/1755) tarihinde burada irtihal etti. Asâr-i fâzilânesi :

- 1 — İsbât-ı vacip
- 2 — Hâşıye ale'l-Hayâli
- 3 — Hâşıye alâ şerh-i Isâm
- 4 — Hâşıye ale'l celâl
- 5 — Hâşıye-i lâri
- 6 — Hâşıye-i Mirza Can
- 7 — Şerh-i Binâ
- 8 — Şerh-i emsile
- 9 — Hâşıye ale'l-Hüseyniye

### ABDÜNNÂFI EFENDİ

Ülemâdan (Abdülveli) Efendi'nin mahdûm-ı fezail-mendi olup (Kırım) lıdır. İkmal-i tahsil ve tefeyyiizi (İstanbul) dadır. Ulum-ı mürettebeden ilm-i fıkha intisâbı ziyâde idi. (1115/1704) Ramazan'ında irtihal ederek Emîr Buhârî'ye defn edildi. Mufassal (Mültekkâ) verhi ve kütübü-i mütedavileden bazilarına havâşisi vardır.

### MEVLÂNÂ RECEB B. İBRAHİM

İlm-i kîraat-ı Kur'ân mütehassislerinden ve ekâbir-i ulemadan bir zât olup neşeti (Kırım) dandır. Vatani ülemâsından tahsilini bade'l-ikmal (Sivas) a rihlette esâtize-i ilm-i kîraattan (Şeyh Mehmed Şemseddin b. Mahmud Habbâzî) den seba ve aşere ve taâkrib ahz ederek (Kastamonu) ya badehu (Bursa) ya azimet ve burada ihtiyâr-ı ikâmetle (Şeyhü'l-kurrâ) oldu. Ve (795/1393) tarihinde irtihal eyledi. Efadil-i ülemâdan seriul-istihzâr bir iştâd-ı ilm olduğu (İmam Cezeri) nin gayr-i matbu (Tabâkatu'l-kurrâ)ında münderîctir. Talim ve taâkriri tela-

mizi tarafından zabt ve kayd edilmiştir. Mesâhr-i kurrâ'dan (Kastamonu) lu (Cibril), sahib-i tercemeden kiraât-ı seb'a tahsil etmiştir.

Tercüme-i hali (Tabakatü'l-kurrâ) da muharrer (Emir b. Osman Süfi) de (Kırım) dan yetisen esâtize-i ilmi kiraâttan bir zât olup (730/1330) küsür tarihlerinde (Şam) da irtihal eyledi. Kâdiyu'l-kudât (Cela-reddin Kazvinî) ile muhadenet-i tâmmesi var idi. İlm-i kiraâtı (Ebu Bekir Tunusî) ve (İbrahim b. Gâli'l-bedevî) ve (Ahmed b. Cebâre) den ahz etti.

## ÖMER B. SALIH EFENDİ

Fukahâdan bir zât olup (Kırım) lâdir. (Tuhfeti'l-fetâva) ismindeki eseri ilm-i fîkihdaki ihtisasına şâhid-i âdildir. (1159/1746) tarihinde irtihal eyledi.

## SUARÂ

### HALİM GİRAY

Sultan Selim-i sâlis devrinde (İstanbul) a gelerek üdebâyi asr ile kesb-i ülfet eyledi. Bir müddet sonra (Bahadır Giray) maiyyetinde (Kâlgaylık) pâyesi ile tayin olunarak (Kırım) a azimet ve badel musâleha (İstanbul) a avdetle (Çatalca) da ihtiyyâr-ı ikâmet etti. (1239/1824) tarihinde irtihal eleyüp (Ferhad Paşa) câmi-i serif haziresine defn edildi. Hâkimâne ve âşikâne eşârı vardır. Divâni matbû olduğu gibi (Kırım) hanlarının teracim-i ahvâlinden bahis (Gülbin-i hânân) ismindeki eser-i kuyemetdârı da (1287/1870) tarihinde (Matbaa-i âmire) de tab olunmuştur. Bu eser münderecât-ı esâsiyyesi bir çok tarih kitapları tetebbu olunarak tenvîr ve izah edilmek şartıyla ve (Gülbin-i hânân yahud Kırım tarihi) ismiyle (1327/1909) tarihinde (Kırım) in mütefekkir gençlerinden (Osman Cüdi) Efendi tarafından tab edilmiştir.

Ebyâtından :

çesm-i hakk binde ağıyâr- ile yâr ikisi bir  
Bağ-ı tevhidde zîra gül-ü-hâr ikisi bir  
Merhem-i bihbûd-ü-vashîla tabibim kıl deva  
Mübtelâ-yı derd-i hieran olduğum bilmez misin  
Dilber tecâhül itsebecâdir rakîbden  
Olmaz gedayı dehre şeh-i âlem âşina

Masâriinden :

Ehl-i tevhidde yok ikilik Allah bir  
Allah'ı seversen beni söyletme gammı var  
Müdârâ eylemek lâzım olmuş ağıyâra bilmezdim  
Dâd elinden gönlümün feryâd elinden gönlümün

Terci-i bendi nakâratı olan şu:

Çesm-i alili hasret ile pür nem eyledim  
El id-i ekber eyledi ben mâtem eyledim

beyti beynelüdebâ zeban-zeddir. (Gülbin-i hân) matlâsındaki manzume-  
sinden :

Gül her dem bahar-i hamd ü senâ  
Der ki Vâcibî'l-vicûda sezâ

Gülşen vahdeti mûtarrâdır  
Hâr ağıyârdan muarradır

Etti gülzâr âlem icâd  
Kıldı feyz-i rebi' ile âbâd

Hazret-i enbiyâ-yı zîsâni  
Kıldı ol ravzannı nigeh-bâni

### NÜZHET EFENDİ

Erbâb-ı ilm ve kalemden bir zât olup mevliden (Sivaslı) aslen Kırımlıdır. Matbuat müdürüyyeti vesâire gibi bir hayli umûr-i mühimmede bulunarak (1304/1887) tarihinde (Sivas) da irtihal eyledi. Âsârı matbuâsı :

- 1 — Tercüme-i izhâru'l-hak Efühim-i ulemâ-yı İslâmiyyeden (Hindi Rahmetullah) Efendi merhumun eser-i meşhurunun cild-i evvelinin tereümesidri ki bi'l-vucûh şâyân-ı istifâde ve intibâh bir eser-i dinidir.
- 2 — Muğni'l-küttab: Kavâid-i edebiyeden bahistir.
- 3 — Nüzhetü'l-münseat
- 4 — Muaddelü'l-imlâ ve mükemmeli'l-insâ
- 5 — Kirli çıktı: Esâsi tarihe müstenid millî bir vakayı müşavverdir.
- 6 — Letâifu'l-muhâdarât: Gayr-i matbudur.

## GAZİ GİRAY

(Kırım) girayları içinde şehâmetçe, şâirlikçe, bîhalkîn temâyüz edenlerdendir. Bir aralık İrân'lere esir olmuştu. Osmanlı ordusuna hizmetâti sebk etmiştir. Elsine-i selâsede inşâd-ı nazm ve nesirde muktedir olup ilm-i müşâfiye de âşina idi. Emval-i ganaîm ile metin bir kale yapmıştır.

(1016/1607) de (Ak mescid) de matrûmen vefat ederek bina-kerdezi olan câmi-i serif haziresine defn edildi.

Asâri :

- 1 — Divan: Tarz-ı marûf iżzere müretteb olup gayr-i matbudur.
- 2 — Gül ü Bülbül: Sultân-ı suâra (Fuzuli-i bağdadî) nin (Beng ü Bâde) sine nazire olup gayr-i matbudur.
- 3 — Mektûbât: Hoca Sadreddin, Ganî-zâde Nâdirî, Hüseyin Kefevî gibi fuzelâ-i üdebâ ile olan mekâtibâtını câmi olup gayr-i matbudur.

Hamâsiyâta dair gazel-i meshuru:

Râyete meyl ederiz kâmet-i dîlcû yerine  
Tuğa dil bağlamışız kâkûl-i hoş-bû yerine

Heves-i tîr ü kemân çikmadı asla dilden  
Nâvek-i gamze-i dildûz ile ebrû yerine

Süreriz tîgmizin zevku safasın her dem  
Sîm tenlerle olan lezzet-i pehlû yerine

Berden-î tevsen zîbâda kutas-ı dülbend  
Bağladı gönlümüzü zülfle giysû yerine

Severiz esb-i hüner-mend-i saba reftâri  
Bir peri-şekl-i sanem bir gözü ahû yerine

Gönlümüz şâhid-i zîba-yı cihada verdik  
Dilber-i mâh-ruh u yâr-ı peri-rû yerine

Seferin çevri çok ümid-i vefâ ile veli  
Olduk aşüptesi bir şûh-i cefâ cû yerine

Olmuşuz cân ile billâh gazâyî teşne  
Kanımı düşmen-i dinin içerez su yerine

Bu gazel birçok Osmanlı şurası tarafından tanzîr ve tahmis edilmişdir ki (Plevne) şühedâsına peder-i ekremim (Üsküdar) î şehid-i said (Mehmed Rifat) Bey'in tanziri de bu meyandadır.

(Hüseyin Bedri) Paşa merhumun tahmisi (Kâfile-i şura) da mün-derichtetir.

## REZMÎ BAHÂDIR GİRAY

Selâmet Giray'ın mahdûm-ı âlileridir. Dört sene altı ay giraylık hizmetinde bulunarak ismi gibi bahadırlıklarını meşhîd oldu. (1050/1640) tarihinde irtihal ederekecdâdi türbesine defn edildi. Hâkimâne ve şairâne eşârı vardır.

Bir gazelinden :

Bu şerh-i sifle-perver ehl-i tab'a cûd göstermez  
Metâ-i marifet gûya ziyandır sûd göstermez

Çeker bir perde dâim dide-i hasret-nigâh üzre  
Ruh-i canâna baksam eşk-i hûh-alûd göstermez

Olup seng-i havadisten şikest âyine-i tab'im  
Muradum üzre ruy-ı şâhid maksud göstermez

Tababet gösterüb her zahmuma elmâs bend eyler  
Mürüvvetsiz felek bir merhem-i bihbûd göstermez

Nola âtes-isr olsa sevâd-ı şî'r-i Rezmî'nin  
Derûni hâne-i âtesdir amma dûd göstermez

## İKİNCİ MENGLİ GİRAY

Camiu's-seyf ve'l-kalem (Kirim) hanlarından olup iki defa (Hanlık) hizmetinde bulundu, ve (1152/1739) tarihinde irtihal ederek (Bağçesaray) daecdâdi yanına defn edildi.

Bir gazeli:

Üftâde-i dâm-ı ser-i-zencîr-i cefâyîz  
Bir zülf-i siyahkâre kul olmaya sezâyîz

Ger şah-ı serir-dâr olursa nola cânân  
Gami çekeriz biz dahı kûyînda gedâyîz

İtmeklik için hak-i rehin dideye sürme  
Her şam u seher tâlib-i teşrif-i sabayîz

Bir pula satarsa bizi ağıyâra aceb mi  
Ol âfet-i gül-çehreye gün bâd-ı hevâyîz

Eylerse Nevâyi nola eşârimi tahsin  
Biz silsile-i hân-i Kirim Mengli Girâyîz

## HACI SELİM GİRAY

Hüsni hizmeti meşhûd giraylardan olup sabiku't-tercüme (Rezmi Bahadır Giray) in mahdûm-ı necâbet mevsûmudur. Gazevâtından (Üsküb) civarındaki gazasını musavver şâir-i meşhûr (Öziçe) li Sâbit Efendi'nin gazânâmesinden şehâmeti rûniymâdir.

Zihî hidiv ale'l-himem ki dikkat idüb  
Üç ayda iki gazâ eyledi bî-vefk-i murad

Esince bâd-i inâyet mehebb-i nusretten  
Toz etti taburunu moşkun misal-i remâd

Bucak bucak kaçırıp ol laini kahren leh  
Yakub memâlikin itdi konak konak berbâd

Înân-ı azmini atf etdi sonra Üsküb'e  
Elinde hançer-i nusret belinde tîğ-i cihâd

Demet demet idüb a'dâyi re's-i şemşiri  
Aceb ki düşdi şitâ fashna zaman-ı hasad

İdüp müeyyed himmetle ehl-i İslâm'ın  
Giden memâlik-i büldânın itdi istirdâd

(116/1704) tarihinde irtihal ederekecdâdi yanına defn olundu.

## SERİF EFENDİ

Saarâ-yı kuzattan bir zât olup (Tezkire-i suara) müelliflerinden (Salim) Efendi'nin muasırıdır. Mezkûr tezkirede bir gazeli münderig-tilir. Bir beyti :

Fîl-mesel dehre Süleyman olsa görmez ehli- dil  
Âsaf-ı bahtın yine Belkis-i kâm-âver lâkin

## LÜTFİ

Suara-yı kuzattan olduğu halde evzâ-i rîndâneye mağlûb olarak (1110/1698) tarihinde (Kasım Paşa) semtinde ecel-i kazâya ugradı. Bir gazeli :

Bildik cihanda işlerimiz hep hevâ imis  
Âtes hayâlin itdiğimiz nakşmâ imis

Mîrzâb-ı dilden umma sakın nağme-i safâ  
Şaz-ı felekde târ-ı emel bî nevâ imis

Cem leyemek sühanda mecâz ü hakikatı  
Mahsus-ı tab'ı Lütfî-i Şirin-edâ imis

### EBU BEKİR RİFAT EFENDİ

Mütemeyyiz erbâb-ı şî'r ü insâdan bir zât olup (Kırım) lâdir. Tahsil ü tefeyyüzü (İstanbul) dadur. Bâzi vüzerânın divan efendiliğinde ve (1246/1830) tarihinde Necîb Paşa'nın sıra emânetinde kitabet vazife-sinde hîdemât-ı hasene ifraz eyledi. Ve eda-yı hâcc-i şerifi müiteakip (Medine-i münevvere) de irtihal etdi. Matbû divanı vardır. Defeât ile maliye nâzırı olan Musa Safvetî Paşa'nın pederidir.

(Fâtîn) tezkiresinde muharrer bir gazelinden:

Bir şûha gönül ver kim ola medha sezâ ol  
Âlemde kerem-piše olan şâha gedâ ol

Dil hastası ol öyle tabib-i dil ü cânnî  
Ki meyleye Lokman gibi bîmara devâ ol

### ŞAHBAZ GİRAY

Sâlifittârcüme (Halim Giray) in ferzend-i ercümendidir. (1252/1836) tarihlerinde (İstanbul) da irtihal eyledi. (Siret) mahlaslı eşârı vardır. (Fâtîn) tezkiresinde münderic bir gazeli :

Aşık-ı şûride-hâliz zârdır eğlencemiz  
Künc-i gamda derd-i aşk-ı yardımır eğlencemiz

Eylesen endîse yârin zülf-i pürçînin nola  
Hâl olunmaz ukde-i düşvârdır eğlencemiz

Bir bölük pervâne-i bezm-i belâ vü mihnetiz  
Pertev-i şem-i ruh-i didârdır eğlencemiz

Sanmasın Siret bizi elğencesiz ehl-i hevâ  
Ney gibi her demde âh ü zârdır eğlencemiz

### FÂZIL MEHMED PAŞA

Erbâb-ı fazl ü irfândan bir zât olup sabiku't-tercüme (Ebu'l-bekâ Kefevî) sülâlesindendir. Mevliden (Bosna) lî, pederi esbâk (Sofya), kâdısı (Mustafa Nureddin) Efendi'dir. Esashi bir tahsil gördükten sonra ilmi ve kalemi hîdemât-ı devlette ifâ-yı hüsn-i hizmet eyledi. (1300/1883)

tarihinde (İstanbul) da irtihal etti. (Sicil-li Osmani) de Üsküdar'da medfun olduğu mezkûrsa da (Galata) melevîhânesi hâmûşânında defin-i hâk bulunduğu kaviyyen mervîdir. Tarikaten (Mevlevî) dir. Feyz-i (Mevlânâ) dan hisse-yâb olduğuna mufassal matbu' (Evrâd-ı kebir-i Mevlânâ) şerhi bürhân-i celîdir.

Mürettep divânının bir nüshası (Galata) melevîhânesi kütüphânesinde vardır.

## ZİVER EFENDİ

Sâbiku't-tercüme (Ferruh İsmail) Efendi'nin mahdumu olup (El-veledü sıvılı (ebîh) sırrına mazhar olmağa kesb-i istidad itmekde iken (1245/1829) tarihinde ve (20) yaşında irtihal eylemişdir.

(Fâtîn) tezkiresinde münderic bir kit'asından:

Hasretinle gerçi kıldın kaddimi hemçü kemân  
Tır-i âhumdan a zâlim ictinâb itmez misin

## ABDULLAH RÂMİZ PAŞA

Mevlidîne (Kirimî) olup (İstanbul) da istikmâl- iilm ü faziletten sonra hizmet-i devlete sülük iderek muhtelif memuriyetlerde ifâ-yi hüsn-i hizmetle kapudân paşalığa irtika eyledi.

(1226/1811) tarihinde (Yer köy) civarında mağduren şehid edildi ve na's-ı mağfiret-naşrı (Yer köy) e naâl olunarak hâric kasabadaki malkâbir-i müslimîne defn olundu. Mufassal tercüme-i hali oğlu (İzzet Bey) in kapudan paşaların terâcim-i ahvaline dair telif ettiği (Harita-i kapudânâni deryâ) ismindeki matbu' eserinde münderictir. Esârinin bir kısmını hâvi olan divâncesi (1263/1847) tarihinde (matbaa-i âmire) de tab' olunmuşdur. Tarikaten melevî, vâkif-i esrâr-ı Mesnevî idi. Birinci bendi matlâundan :

Nevâ yok bezm-i gurbette figan ü âhdan gayri  
Kime demsâz olursın nâle-i cân-gâhdan gayri

Ne hemdem var ne sâki pes dil-i gümrâhdan gayri  
Hatt-i sâgarda yazmaz hayfle eyvâhdan gayri

Sefer itsem refik olmaz gubâr-ı vâhdan gayri  
Firâr itsem yerim yok bezm-i şivengâhdan gayri

Bezmde lâle yok dâğı dil-i âgâhdan gayri  
Gül-i ümmid virmez büy-i ye's-i cahdan gayri

Sorar yok hâtrim füzn ü gâm-i cân-gâhdan gayri  
Teselli-bahş olur yok tali-i bedhâhdan gayri

Nakarat

Garibim bîkesim yokdur enisim âhdan gayri  
Penâhim destgirim kalmadı Allah'dan gayri

İkinci terci-i bendinden

Sun'-i Hâkka dil uzatma sakınub nââ-be-mahal  
Kat' ider hâncır-i Lâ yü's'el amma yefâl

Seven Allah'ı sever filine de itme cedel  
Öyle mahbûbdur ol fi'lî güzel kendi güzel

«Men arefe»-menziline sâlik isen kendine gel  
Âtes-i aşkdan ister bu sefer de mes'al

Nâr-i işk ile yanub mahv-i vücûd it evvel  
Nûr-i irfan-ı Hudâ sonra ider müşkil-i hall

İşk hengâmesidir şîve-i takdir-i ezel  
Gül güler bülbül okur giryâ-i nâlisle gazel

Nakarat

Kimini sevdî Hudâ kimini sevdüda kodu  
Gülü arâyiş idüb bülbülü gavgada kodu

### KEFEVİ MEHMED ŞEFİK DEDE

Vatanında tahsilini itmamdan sonra aşk-ı (Mevlâna) ile (Konya) ya giderek feyziyâb oldu. Ve (1082/1671) tarihinde vefat eyledi. (Esrar Dede) tezkiresinde bazı eşârı münâderictir. Ezcümle :

Dil-rîste-i peyvend-i hilâl olmadı mı  
Şâyeste-i ikbâl ü visâl olmadı mı

Kâbil mi değil vashna irme  
Ben kuluna ihsâna mecal olmadı mı

### BEKÂYÎ-I KEFEVÎ

İsmi (Abdülbâkî) olup (Kefe) de bir hâtim-zâdedir. İkmâl-i tahsil-den sonra (Misir) a giderek pîr-i tarîkat (İbrahim Gülsenî) hazretlerinden feyziyâb oldu ve tarîkat-ı meleviyyeden de ahz-ı feyz eyleyüp, (Şam)

mevlevihânesinde kârî-i mesnevî tayin edildi. Tezkire-i suara müelliflerinden (Kinal-zâde Hasan Çelebi) kendisi ile hembezî olduğunu naâl ediyor. (Esrar Dede) tezkiresinde naâkaratı bu:

Nûr-i zât-i Allah'a kalbin itmek istersen mahal  
Sür yüzün dergâh-i pâk-i Hazret-i Molla'ya gel  
olan bir miseddesi münderictir. (1000/1592) tarihinde irtihal eyledi.  
Ehl-i hal ve sahib-i irfan ve fazilet bir zât idi.

### MÜVERRİHÎN :

### SERİF MUSA EFENDİ

Sâbiku't-terceme (Ebi'l-bekâ' Eyyüib) Efendi'nin peder-i fâzlıdır. Ale'l-usul îkmâl-i tahsilden sonra vatanı olan (kefe) de iftâ ve telîle ömür güzâr oldu. İlm-i fikihda iâhtisâsi olduğu gibi ilm-i tarihe de intisâbı bulunduğu bir nüshası (Müze-i humâyûn) kütüphanesinde mevcut (Semsû'i-tevarih) ismindeki bir cild üzre müretteb tarih-i kıymat-dârı şâhid-i âdildir. Ebvâbî bervech-i âtidir.

Bâb-i evvel ; siyasiyyât  
Bâb-i sâni ; tevârih-i ekâbir-i beriyyât  
Bâb-i sâlis ; ilân-i mahmudât ve mezmûnat  
Bâb-i râbi ; acâib-i mahlûkât  
Târihin baş tarafındaki manzumenin matlai  
Hamd ol padışaha layikdir  
Cümle mevcuddan o faikdir

Yoğiken resm-i tavr-i mevcûdat  
Halk idüb virdi cümleye harekât

İrtihali vatanındadır.

### VECİHÎ HASAN EFENDİ

Divan-i humâyûn kâtiplerinden idi. Meylidi (Bağcesaray) ise de nesi (İstanbul) dadır. (1047/1637'den 1072/1662) tarihine kadar yazdığı tarih münakkah ve şâyân-i vusuktur. Nûshaları (İstanbul) kütüphanelerinden Hâmidiye, Uuru Osmaniye, Köprülü, Enderun kütüphanelerinde vardır. (Ola makam Vecîhî'ye Cennet-i Firdevs) müşraînın nâtilik olduğu (1081/1670) de (İstanbul) da irtihal eyledi. Târihinin mukaddimesinde Sultan Murad-i râbi' zamanında (İstanbul) a hicretini ve (Bağ-

dat) seferi esnasında kaimmakam olan Mustafa Pasa'nın vefatına kadar mühiürdarlığından bulunarak bu müddet zarfında zuhur iden vaka-yii za'b ettiğini yazıyor. Tab'ı şairâneye de mâlik idi. Müretteb divanının bir nüshası (Enderun-u hümayun) un (Sarık-odası) kitapları arasında mevcuttur. Ebyatından:

Leb-i erbab-i dil âlûde-i şehd-i neşat olmaz  
Kaza ânu ne gâre zehr-i gamdan hisse-mend itmiş

### **ABDÜLGAFFAR B. HASAN EFENDİ**

Fuzalâ ve müverrihinden bir zât olup âsârı gayr-i matbu ve ber-vech-i âtidir.

- 1 — Hadis-i erbain şerhi: Tarzı marûf üzeredir.
- 2 — Mecmûa: Muhtelif mesâil-i fîkhîyyeden bahis, kıymet-i ilmiyyeyi hâiz bir mecmûadır.
- 3 — Umdatî'l-ahbâri'l-mütenevvia: Kûrum giraylarının ahvâlini hâvi (329) sahifeden mürekkeb bir tarih olup hatt-i destiyle muharrer nüshası (Esad Efendi) kütüphanesindedir. Tarih-i telifi (1157/1744) dir.

### **NURİ BEY**

### **YÜZBAŞI OSMAN NURİ BEY**

Muharririn-i askeriyyeden tarih-şinas ve lisân-âsa bir zât olup tevel-iüddi (İstanbul) da, pederi (Kûrum) İdrîs Mekteb-i harbiyeden neşetinden sonra mekteb-i mezükürda mualimlik mesleğine dahil oldu. Genç denecék bir yaşıta iken (1327/1909) tarihinde irtihal ederek (Edirne kapısı) haricinde ailesi kabristanına defn edildi. Fransızca ve Almanca'dan hakkıyla tercemeyle muktedir idi. Âsârı matbuası: 1 — Abdülhamid'in hayâtı siyasiyye ve hususiyeyi: Üç cilden ibaret bu eserin nisfimi nesr ittiyye de vefat-ı dolayısıyla nisf-i âhiri hukuk-perver rüfekâsından müverrih-i şehir (Ahmed Refik) Bey tarafından ikmal edilmiştir.

- 2 — Karadeniz ve boğazlar meselesi
- 3 — Piyâde talîmnâmesinin izâhi
- 4 — Bölük maharebesi

### **MAHMUD B. SÜLEYMAN KEFEVİ**

Sultan Süleyman-ı Kanuni devrinde İstanbul'a gelerek tefeyyüz eyleyen bir fâzildir. Arabiyü'l-ibâre ve gayr-i matbû' (Ketâibü a'lâmi'l-ahbar min fuâlha mezhebin-Nu'mani'l-muhtar) ismindeki eseri ulemâ-ynı

Hanefiyye'nin teracim-i ahvaliyle bazı asarın esamı ve parçalarını camı'dır ki terücim-i ahvali ile müştegil zevata ve okutduğu kütübü-i fıkhiyyenin müelliflerini de bilmek isteyen ulemâya lüzumlu ve mufassal denecel derecede eserlerden olup sadece (Ketâib) ismiyle de mezkürdür. Lisân-i Arabî'de de kâtib ve şair idi. Bu eserinden başka bazı resâil ve talikatı da vardır. (997/1589) tarihinde (İstanbul) da irtihal eyledi. (Ketâib) in nûşaları (İstanbul) kütüphanelerinin birkaçında mevcuttur.

### RAHMI EFENDİ

#### VAKA-NÜVİS MUSTAFA RAHMI EFENDİ

Suara ve müverrihinden bir zât olup (Bağçasaray) lidir. tezâkir-i şuaradan (Ramiz Efendi) tezkiresinde Akkirman'lı olduğu muharrerse de mevsûk değildir. İkmâl-i tahsil ve tefeyyiüzü (İstanbul) dadır. Hizmet-i devlete sülükündan sonra bazı memuriyetlerde buulnarak (1160/1747) tarihinde taraf-i Devlet-i Osmaniye'den nâme-i hümayûn ile sefir-i (İran) tayin olunan (Kesriye) li hacî (Ahmed Paşa) maiyyetinde (İran) a gidip geldiği için vaşayî-i resmiyye ile (Üsküdar) dan itibaren kat' ittikleri merâhilin ahvâl ve evsâfını ilâve iderek mükemmel bir (Sefaretnâme-i İran) kaleme almışdır. Müretteb divançesi de vardır. Her ikisi de gayr-i matbudur. (1164/1751) de matûnen vefat eyledi. (Edirne kapısı) haricinde medfundur. Eşârı hekimânesinden:

Şeb mahv olup hemise necm-i seher doğar  
Encâmi inhizamda mihr-i zafer doğar

Âbisten safâ vü kederdir leyâl hep  
Gün doğmadan meşime-i şebden neler doğar

### ETİBBÂ :

#### AZİZ BEY

#### MİRALAY KIRİMİ AZİZ İDRİS BEY

Hamiyyet ve kudret-i ilmiyyesini tıbbın Türkçe'ye tahvili emrinde bi-hâkkın isbât ile beyne'l-akran bir mevki-i mümtaz iħraz eyleyen etibbâ-yi Osmaniyye'nin ser-firâzlarındandır. (Fenn-i emrâz) ve (Fenn-i teshis) de yed-i tûla sahibi idi. Mevlidi (İstanbul) ise de pederi (Kirim) lidir. Mekteb-i tibbiyede ikmâl-i tahsilden sonra (Emrâz-i dahiliyye) ve (Fann-i kimya) tedrisiyle mesgul olduğu gibi tesis ve terkisi husunda uluv-i himmeti sebk iden (Mekteb-i tibbiyye-yi mülkiyye) ye de müdürü olmuş ve emrâz-i dahiliyye tedrisi itmişdir. Fünûn-i tibbiyye ve tabiiy-

yenin gavamızına vâkif olmakla beraber fenn-i lugat ve usul-i kitabet ve inşâda da behre sahibi idi.

(1290/1878) tarihinde tesisine himmet eylediği Cemiyeti Tıbbiye-i Osmaniyye'de irâd ettiğ rutuk meshurdur.

(1290/1878) tarihinde (38) yaşında irtihal ederek (Edirne kapısı) haricinde defn olundu. Âsâr-ı matbuası :

- 1 — Kimya-ı tıbbî
- 2 — Emrâz-ı umumiyye

## RIYAZİYYÜN :

### HÜSEYİN RIFKI EFENDİ

(Kirim) müzâfâtından (Toman) beldesinden olup (Şam) valiliğinde irtihal ederek Şeyh-i ekber Muhiddin Arabî kurbuna defn olunan Emin Paşa'nın pederidir. Mühendishânénin târih-i küşâdî olan (1210/1795) tarihinden itibaren (22) sene (Baş hocalık) unvânı ile fiünün-i mütenevvia tedris eyleyen mührîre-i riyaza yundandır. O zamanki mualimîn ve talebe arasında (Büyük Hüseyin Efendi) söhreti ile benâm idi. (1232/1817) tarihinde (Medine-i münevver) ebniye-i mukaddesesinin tamirine memuren izâm olundukları zaman orada vefat eyledi. (1264/1848) tarihinde harbiyenin derslerini tensîkînda büyük himmeti görülmüştür. Âsâr :

1 — Mecmuâti'l-mühendisîn: Bu eser hakkında askeri müzesi müdürü Ahmed Muhtar Paşa'nın (Ahvalnâme-i müellifât-ı askeriyye-i Osmaniyye) içinde izâhât-ı lâzîme vardır.

2 — Lağım risalesi: (1209/1794) da tab' edilmiştir. Yazma bir nûşçası da (Manastır) kütüphanesindedir.

3 — Usul-i hendese: (1212/1797) tarihinde tab' olunan bu eserin nihayetinde (Melhuzât- ve i'tirazât) sernâmesiyle ilm-i hendesenin keyfiyyet-i tahrir ve takririne dair kıymet-i ilmiyyey haiz bir bahis vardır.

4 — Müsellesât-ı müsteviyye: Ayrıca tab' olunduğu gibi (Usul-i hendese) nihayetinde de tab' edilmiştir.

5 — Telhisü'l-eskâl: (1239/1824) da Mısır'da tab' olunmuştur.

6 — El-medhal fi'l-coğrafya

7 — Müsellesât-ı müsteviyye

8 — Humbara cedveli

9 — Usûl-i istihkâmât

10 — Usûl-i inşâ-i tarîk

11 — İrtifa' risâlesi: Arapça'dır.

12 — Feridetü'l-münâre fi ilmi'l-kürre: Arapça ve gayr-i matbodusur.

— Hitâm —